



Coimisiún na Scrúduithe Stáit

State Examinations Commission

Corr na Madadh, Baile Átha Luain, Co. na hIarmhí, N37 TP65
Cornamaddy, Athlone, Co. Westmeath, N37 TP65

Ciorclán CSS S 13/2023

Scrúduithe 2023: Cúrsaí Airgeadais

Táillí Iontrála na Scrúduithe agus Táillí Achomhairc: Acmhainní Breise agus Socruithe Íocaíochta do na Scoileanna chun Tacú le Scrúduithe Stáit 2023 a Reáchtáil

Chuibh Údarás na Scoile atá ainmnithe sa seoladh

Is é aidhm an chiorcláin seo eolas a thabhairt do na scoileanna faoi na socruithe íocaíochta, ar a n-áirítear na rátaí íocaíochta a bheidh i bhfeidhm i gcás an phearsanra a cheapann na scoileanna agus costais bhreise eile le haghaidh Scrúduithe 2023. I gcás na mBord Oideachais agus Oiliúna, clúdaíonn sé seo freisin ionaid Bhreisoideachais leithéid ionaid Scéim na Deiseanna Oiliúna Gairmoideachais (VTOS) agus Ógtheagmháil ina mbeidh scrúduithe ar siúl. Tugtar eolas anseo freisin faoi na fógraí a rinneadh le déanaí maidir le táillí iontrála na scrúduithe agus táillí achomhairc.

Tá na suíomhanna scrúduithe nach bhfaigheann maoiniú ón Státchiste tríd an Roinn Oideachais, e.g. coláistí príobháideacha, freagrach as a gcostais féin i dtaca le pleanáil agus riar na Scrúduithe Stáit. Cé nach bhfaighidh na suíomhanna oideachais seo maoiniú ó Choimisiún na Scrúduithe Stáit (CSS) do Chúntóir Scrúdaithe ná d'aon chostas ilghnéitheach atá leagtha amach sa chiorclán seo, tá siad incháilithe chun éileamh a dhéanamh ar chostas Feitheoirí agus Freastalaithe Scrúdaithe a cheapann an scoil.

Dearadh raon na dtacaíochtaí leis na scrúduithe chun tacú leis na scoileanna a chinntiú go ndéantar an obair atá riachtanach do na Scrúduithe Stáit agus go gcuirfidh sin isteach a laghad is féidir ar bhainistíocht agus acmhainní gearálta na scoile. Sna hacmhainní atá curtha ar fáil, aithnítear freisin an obair atá ar siúl lasmuigh d'am scoile leis na Béaltrialacha sa Ghaeilge agus sna Nua-Theangacha lasachta a reáchtáil i rith thréimhse saoire na Cásca, ó Dé Sathairn, 1 Aibreán go dtí Déardaoin, 6 Aibreán 2023, agus aithnítear go mb'fhéidir go mbeidh ar dhaoine a bheith i láthair Dé Domhnaigh i seachtainí áirithe i mí an Mheithimh chun tacú le seachadadh sábháilte na scrúdpháipéar.

Ba chóir an chiorclán seo a léamh in éineacht leis na chiorcláin S72/2022 agus S07/2023 – Scrúduithe na hArdteistiméireachta (Bunaithe) sa Ghaeilge agus sna Nua-Theangacha lasachta, 2023 a d'eisigh CSS, agus in éineacht le haon chiorclán eile a bhaineann le reáchtáil na scrúduithe.

Tá achoimre ar fáil in Aguisín A ar na rátaí a chuirtear i láthair sa cháipéis seo.

Pléifear le mionsonraí Scrúduithe Iarchurtha 2023 i gchiorclán ar leith.

1. Táillí na Scrúduithe in 2023

Ar 21 Feabhra 2023 d'fhógair an Rialtas réimse leathan de bhearta aonuaire le cabhrú chun an bhrú atá ar dhaoine de dheasca na gcostas maireachtála a mhaolú. Áirítear ar na bearta sin díolúine ó tháillí iontrála sna scrúduithe stáit i mbliana. €116 agus €109 na táillí ar bhí ar scrúduithe na hArdteistiméireachta agus na Sraithe Sóisearaí faoi seach in 2010.

€40 in aghaidh an ábhair an táille a bhí ar achomharc san Ardteistiméireachta in 2019 agus €31 in aghaidh an ábhair sa tSraith shóisearach. Gearrfar na táillí sin in 2023. Aisíoctar an táille sin má éiríonn leis an achomharc.

2. Ionadaithe na Múinteoirí páirteach i Scrúduithe Stáit

Is ceadmhach ionadaithe a chur in áit múinteoirí a bhíonn as láthair ón scoil le hobair a dhéanamh le haghaidh scrúduithe stáit agus is féidir costas na n-ionadaithe a éileamh ar an Roinn Oideachais. Scoileanna nach scoileanna de chuid na mBord Oideachais agus Oiliúna iad, ba chóir dóibh an t-éileamh a dhéanamh trí chóras éilimh na roinne sin ar líne (OLCS). Ba chóir a chur ar taifead faoin gcatagóir Gnó Scoile agus faoin bhfochatagóir 'Scrúdaitheoir sna Scrúduithe Stáit' go bhfuil an múinteoir as láthair agus an t-éileamh ar son an mhúinteora ionaid a chur ar taifead. I gcás múinteoirí atá fostaithe ag Bord Oideachais agus Oiliúna, ba chóir an scoil éileamh a dhéanamh ar an mBord Oideachais agus Oiliúna agus é a chur ar taifead ar chóras chuí an Bhoird go bhfuil an múinteoir as láthair. Tá ciorcláin na Roinne faoi rátaí íocaíochta le haghaidh ionadaithe le fáil [anseo](#).

3. Réamhíocaíochtaí leis na Scoileanna

Chun cuidiú le híoc as roinnt de na costais a bhaineann le Scrúduithe Stáit 2023, rinne CSS réamhíocaíocht leis na scoileanna i mí na Nollag, 2022 le haghaidh Scrúduithe 2023, mar a dhéantar de ghnáth. Déanfar an réamhíocaíocht a fhritháireamh i gcoinne éileamh deiridh 2023.

4. Rátaí Íocaíochta 2023

In 2023, tá méadú 5.07% (carnach) eile ar rátaí 2022, rud atá ag teacht leis an síneadh ar chomhaontú na seirbhíse poiblí, *Ag Dul Ó Neart go Neart - Comhaontú Nua Seirbhíse Poiblí, 2021–2020*. Cuirtear méaduithe sa tseirbhís phoiblí i bhfeidhm go siarghabhálach ar rátaí na foirne ar conradh mar gheall ar nádúr na socrúithe conartha seo.

5. Aisíocaíochtaí leis na Scoileanna

Déanfaidh CSS costais a aisíoc nuair is cuí sna cásanna seo a leanas:

- a. Cúntóirí Scrúdaithe
- b. Feitheoirí a cheapann na Scoileanna do na trialacha seo: Trialacha Praiticiúla sa Staidéar Foirgníochta agus san Innealtóireacht, Nascmhodúil GCAT, TFC san ATF, Ríomheolaíocht agus na Trialacha Cluastuisceana
- c. Feitheoirí a cheapann na Scoileanna d'ionaid speisialta scrúdaithe
- d. Freastalaithe Scrúdaithe
- e. Costais Ilghnéitheacha a bhaineann leis na scoileanna a bheith oscailte le linn laethanta saoire na Cásca i gcomhair Bhéaltrialacha 2023
- f. Costais iompair a bhaineann le hiarrthóirí a bheith ag taisteal ar scoil le haghaidh na scrúduithe le linn thréimhse saoire na Cásca.
- g. Íocaíocht as obair ullmhaithe agus measúnaithe tionscadal.

i) Cúntóirí Scrúdaithe

Ar údaráis na scoileanna i gcoitinne, agus ar Phríomhoidí na scoileanna go háirithe, a bhraitheann reáchtáil shásúil Scrúduithe Teastais an Stáit. Is é an cleachtas seanbhunaithe sna Scrúduithe Stáit go bhfuil sé faoi rogha údaráis na scoileanna (agus údaráis na n-ionad oideachais eile a fhaigheann cistí poiblí) Cúntóir a fhostú chun cuidiú leis an bPríomhoide i rith na Scrúduithe Stáit nó a bheith mar ionadaí an Phríomhoide nuair nach mbíonn sé/sí sin ar fáil ar chúis ar bith. Áirítear ar na Scrúduithe Stáit na scrúduithe ar fad (scrúduithe scríofa, Béaltrialacha agus na comhpháirteanna uile eile) agus níl raon dualgais agus freagrachtaí Phríomhoidí na scoileanna maidir leis na scrúduithe seo teoranta do thréimhse scrúdaithe mhí an Mheithimh.

Tá na nithe seo a leanas faoi rogha na n-údarás ábhartha (scoileanna agus eintitis eile a fhaigheann maoiniú poiblí mar atá leagtha amach thuas):

- Cúntóirí Scrúdaithe a fhostú chun obair a dhéanamh faoi threoir ghinearálta fhoireann bhainistíochta an Phríomhoide agus an Leas-Phríomhoide chun an raon freagrachtaí a chomhlíonadh i riar Scrúduithe Stáit 2023 sna scoileanna.
- Cé gurb é ról an Chúntóra cuidiú leis an bPríomhoide i rith na Scrúduithe Stáit, is ceadmhach don Chúntóir a bheith mar ionadaí an Phríomhoide sa chás nach bhfuil sé/sí sin ar fáil ar chúis ar bith, ar an gcoinníoll go bhfuil bainistíocht na scoile sásta go bhfuil na dualgais riachtanacha á gcomhlíonadh go hiomlán ag an gCúntóir ar na hócáidí seo.
- Ról an Chúntóra Scrúdaithe a roinnt idir roinnt ball d'fhoireann na scoile. Moltar go roinnfí an ról ar a laghad daoine agus is féidir. (Cé nach é an rud is fearr é, is ceadmhach do na scoileanna, más gá, leathlaethanta a leithdháileadh, laistigh de leithdháileadh iomlán na laethanta ar an ráta per diem, más áil leo agus má oireann sin dá gcuid riachtanas ar leith.)
- An Cúntóir Scrúdaithe a cheapadh de réir na modheolaíochta atá ann cheana féin sna scoileanna.

Ós rud é go gcuimsíonn raon dualgas an Chúntóra Scrúduithe feidhmeanna a bhíonn le comhlíonadh le linn am scoile, e.g. obair a phleanáil, na trialacha praiticiúla, etc., ní mór don scoil a bheith sásta nuair a cheaptar múinteoir atá ar an bhfoireann sa ról seo nach gcuirtear isteach ar ghnáthdualgais an mhúinteora sin agus nach dtabhaítear costais bhreise dá bharr, e.g. costais ionadaí.

Ráta Íocaíochta 2023

Is é seo a leanas an ráta íocaíochta do dhaoine a cheaptar mar Chúntóirí Scrúduithe in 2023:

Cúntóirí Scrúdaithe: Ráta in aghaidh an Lae	€155.14
---	---------

Líon na Laethanta do Chúntóirí Scrúduithe is féidir a éileamh

Beidh líon na laethanta do Chúntóirí Scrúduithe ag brath ar líon na n-iarrthóirí sa scoil agus ar raon na gníomhaíochtaí atá le déanamh le freastal ar riachtanais na n-iarrthóirí sa scoil sin, mar a leanas:

a. Ginearálta

Aidhm	An tUaslíon Laethanta	An tUaslíon Laethanta
	Na Laethanta atá ar fáil do Gach Scoil	Na Laethanta atá ar fáil do Gach Scoil
Pleanáil do na Scrúduithe Stáit agus do Scrúduithe mhí an Mheithimh	Suas le 15 Lá	Suas le 15 Lá
	Suas le 300 Iarrthóir	300 Iarrthóir nó níos mó
Iar-bhunscoileanna aitheanta ina bhfuil 300 iarrthóir nó níos mó ag dul a dhéanamh na scrúduithe, beidh cead acu lá sa bhreis a éileamh in aghaidh gach 50 iarrthóir breise	Nialas	1 lá in aghaidh gach 50 iarrthóir breise

b. Béaltrialacha

	Suas le 120 Iarrthóir Ardteistiméireachta	120 Iarrthóir Ardteistiméireachta nó níos mó
Pleanáil agus Riarachán do na Béaltrialacha thar shaoire na Cásca don tréimhse ó Dé Sathairn, 1 Aibreán go dtí Déardaoin, 6 Aibreán 2023 , an dá dháta sin san áireamh (Féach Ciorclán S72/2022 agus S07/2023). (Tá ardráta 2 lá ann is féidir a éileamh le haghaidh obair ag an deireadh seachtaine.)	Suas le 8 Lá	Suas le 10 Lá

c. Laethanta Eile

Scoileanna a mbeidh scrúduithe acu Dé Luain, 26 Meitheamh nó Dé Máirt, 27 Meitheamh, suas le 2 lá breise; lá amháin in aghaidh gach lae is gá dóibh a bheith oscailte	Suas le 2 Lá	Suas le 2 Lá
Scoileanna a bheidh oscailte Domhnach amháin nó dhá Dhomhnach ¹ i mí an Mheitheamh chun na scrúdpháipéir scríofa a ghlacadh isteach	Suas le 4 Lá	Suas le 4 Lá

¹ Tá na sonraí fos le deimhniú.

Ról an Chúntóra Scrúdaithe, 2023

Cé gur faoi údaráis na scoileanna a bheidh sé cinneadh ar deireadh cad iad na dualgais a bheidh ar an gCúntóir a fhostaítear aimsir na scrúduithe, d'fhéadfaí an Cúntóir a cheapadh le cuid de na nithe atá ar an liosta dualgas seo a leanas a dhéanamh. Is cóir a thabhairt do bhur n-aire, áfach, nach liosta iomlán é.

- A bheith ag obair faoi threoir fhoireann bhainistíochta an Phríomhoide agus an Leas-Phríomhoide le hullmhú do Scrúduithe Stáit 2023 agus iad a eagrú, i gcomhréir le treoracha CSS
- Measúnú a dhéanamh ar an gcóiríocht a bheidh in úsáid mar ionaid scrúdaithe agus ar líon na n-iarrthóirí is féidir a chur isteach i ngach seomra, agus cuidiú leis na hionaid a shocrú Pleanáil agus riar na mBéaltrialacha mar atá leagtha amach sna ciorcláin S 72/2022 agus S07/2023 - Scrúduithe na hArdteistiméireachta (Bunaithe) 2023: Béaltrialacha
- Iarrthóirí a shannadh san ionad/sna hionaid atá le húsáid le haghaidh na scrúduithe, seisiún ar sheisiún, agus sna ionaid scrúdaithe speisialta nuair is cuí
- Na socrúithe is iomchuí a chur i bhfeidhm chun na scrúduithe a réachtáil ar bhealach a bheidh ag teacht le srianta i dtaca leis an tsláinte phoiblí a bheidh i bhfeidhm tráth na scrúduithe
- Na béaltrialacha/trialacha praiticiúla/trialacha tionscadail a eagrú tríd an gcóiríocht a shocrú, etc.
- Cuidiú le Feitheoirí leis na Liostaí Foláireamh agus/nó ábhair eile a chur ar ais mar a threoraíonn CSS
- Páirt a ghlacadh de réir mar is gá in earcaíocht feitheoirí laistigh den scoil le feidhmiú in ionaid scrúdaithe speisialta agus maoirseacht a dhéanamh ar na feitheoirí sin le linn thréimhse a gcuid oibre
- Páirt a ghlacadh de réir mar is gá in aimsiú agus i gceapachán na bhFreastalaithe scrúduithe
- A chinntiú go bhfuil na seomraí agus an trealamh feiliúnach ó thaobh fuaime de le haghaidh na dtrialacha cluastuisceana sa cheol agus sna hábhair teanga agus soláthar a dhéanamh d'úsáid dlúthdhioscaí san ATF agus i GCAT
- Teagmháil a dhéanamh le Feitheoir na scrúduithe nó le Freastalaí an ionaid sa chás go dtarlaíonn aon deacracht i rith an scrúdaithe agus teagmháil a dhéanamh le CSS maidir le nithe a thagann chun cinn
- Socrú a dhéanamh leis an ábhar scrúdaithe a ghlacadh isteach, a stóráil go sábháilte nó a sheoladh go dtí CSS, ar a n-áirítear ábhar scrúdaithe a ghlacadh isteach sna scoileanna Domhnach amháin nó dhá Dhomhnach i mí an Mheithimh
- Socrú a dhéanamh le stáiseanóireacht na scrúduithe a ghlacadh isteach agus a stóráil go sábháilte
- Cuidiú, tacú agus teagmháil a dhéanamh leis na Feitheoirí a cheapann CSS
- Déileáil le cásanna ina mbeidh iarrthóirí le haistriú go dtí ionaid scrúdaithe eile
- Cuidiú sa bhreis a chur ar fáil sna laethanta tosaigh de sceideal na scrúduithe.

ii) Feitheoirí a cheapann na Scoileanna, ar a n-áirítear Feitheoirí na nIonad Speisialta, na dTrialacha Praiticiúla sa Staidéar Foirgníochta agus san Innealtóireacht; Nascmhodúil GCAT; TFC san ATF; Ríomheolaíocht agus na Trialacha Cluastuisceana.

Eiseofar sonraí na socrúithe i gcomhair na scrúduithe in imlitir eile roimh thús na scrúduithe liostaithe thuas. Beidh na scrúduithe ar an liosta sin ar siúl sna scoileanna ar laethanta scoile.

Is mar seo a leanas an ráta íocaíochta do na daoine a cheaptar mar Fheitheoirí agus mar Fheitheoirí Ionad Speisialta le haghaidh scrúduithe 2023:

Trialacha Praicticiúla	€127.77	in aghaidh an lae
Socruithe Réasúnta GCAT/ Ríomheolaíocht (daoine nach Cúntóirí Riachtanas Speisialta iad)	€63.88	in aghaidh an tseisiúin
Socruithe Réasúnta GCAT/ Ríomheolaíocht (daoine ar Cúntóirí Riachtanas Speisialta iad)	€48.75	in aghaidh an tseisiúin
Trialacha Cluastuisceana na hArdteistiméireachta / na Sraithe Sóisearaí	€63.88	in aghaidh an tseisiúin
An Ardteistiméireacht Fheidhmeach (Gaeilge Chumarsáideach & Teangacha (Bliain 1), Teicneolaíocht Faisnéise (Bliain 2))	€63.88	in aghaidh an tseisiúin

iii) Feitheoirí a Cheapann na Scoileanna le haghaidh Socruithe Réasúnta

In imeacht na bliana, seolann CSS sonraí chuig na scoileanna maidir leis na hiarrthóirí atá faofa chun leas a bhaint as socrú/socruithe réasúnta le haghaidh na scrúduithe stáit. Cuirfidh CSS tuairisc achomair ar fáil faoi dheireadh mhí na Bealtaine maidir leis na cinntí uile a cuireadh in iúl cheana do na scoileanna (Mairís RACE) roimh thús scrúduithe mhí an Mheithimh. Beidh sonraí sa tuairisc sin maidir leis na hionaid scrúduithe speisialta atá faofa. Cuirfear treordhoiciméad ar leith ar fáil freisin do na scoileanna maidir le cur i bhfeidhm na socruithe rochtana atá faofa faoi Scéim RACE. Is gá don scoil feitheoirí a cheapadh go háitiúil do na hionaid scrúdaithe speisialta agus le tabhairt faoi dhualgais mar Léitheoir Roinnte, Léitheoir Aonair agus/nó Scríobhaithe de réir mar is cuí.

Idir an dá linn, is féidir leis na scoileanna pleanáil le haghaidh riachtanais a n-ionad speisialta bunaithe ar an bhfaomhadh ar leith a fhaightear le linn na bliana.

Áit a gceapann an scoil Feitheoir áitiúil, de réir Threoracha na Socruithe Réasúnta le haghaidh Scoileanna agus Feitheoirí, agus áit ar Cúntóirí Riachtanas Speisialta é/í an Feitheoir sin, tá socruithe íocaíochta ar leith i bhfeidhm.

Tá comhaontú ag an Roinn Oideachais leis an gceardchumann Fórsa, a dhéanann ionadaíocht ar son Cúntóirí Riachtanas Speisialta, i gcásanna ina mbeidh Cúntóirí Riachtanas Speisialta ag tacú le hiarrthóir in ionad speisialta i rith na scrúduithe agus ag feidhmiú na ndualgas a bhaineann le feitheoireacht a dhéanamh ar ionad speisialta, an táille chomhaontaithe a íoc i dtaca le ról na feitheoireachta.

Is mar seo a leanas an ráta íocaíochta do dhaoine a cheaptar mar Fheitheoirí sna hionaid Speisialta in 2023:

Socruithe Réasúnta (daoine Cúntóirí Riachtanas Speisialta iad)	€63.88	in aghaidh an tseisiúin
Socruithe Réasúnta (daoine ar Cúntóirí Riachtanas Speisialta iad)	€48.75	in aghaidh an tseisiúin

iv) Freastalaithe Scrúdaithe

Cuidíonn Freastalaithe, mic léinn a ainmníonn na scoileanna, leis na Feitheoirí i rith na scrúduithe. Tá réimse dualgas ann a leagtar ar na Freastalaithe. Áirítear orthu sin cuidiú a thabhairt leis na hionaid a shocrú, dul in éineacht leis na hiarrthóirí chuig an leithreas agus ar ais, gníomhú mar nasc idir ionad na scrúduithe agus údarás na scoile.

Ba chóir Freastalaithe a cheapadh ar bhonn Freastalaí amháin in aghaidh gach príomhionaid scrúduithe. Ní mór Freastalaithe le haghaidh na n-ionad speisialta a bheith faofa ag Rannóg Socruithe Réasúnta CSS.

Agus cinntí á ndéanamh le Freastalaithe a cheapadh, ba chóir do na scoileanna féachaint ar líon na n-ionad atá ar Thuairisc na n-ionad a eiseoidh CSS in am trátha.

Ba chóir na híocaíochtaí leis na Freastalaithe a phróiseáil trí phárolla na scoileanna agus na mBord Oideachais agus Oiliúna agus is féidir na costais a fháil ar ais ó CSS. Ní mór an cháin ioncaim agus an MSU a asbhaint ag an bhfoinse faoin gcóras ÍMAT. Tá an fhostaíocht choimhdeach áirithe faoi Aicme J den ÁSPC. Ós rud é go bhféadfadh an fhostaíocht seo a bheith ar an gcéad fhostaíocht ag cuid mhór mac léinn, is gá dóibh clárú leis na Coimisinéirí Ioncaim ionas gur féidir uimhir Phárolla a sheoladh chugat agus ionas nach mbeidh orthu cáin éigeandála a íoc.

Tá bileog ama na bhFreastalaithe ina sonraítear na rátaí atá i bhfeidhm ar fáil in Agusín B.

v) Costais Ilghnéitheacha

Breithneoidh CSS éilimh ó scoileanna agus ó shuíomhanna eile a fhaigheann maoiniú ón státchiste ar costais réasúnta bhreise a thabhaítear go sonrach lena chinntiú go n-osclaítear na scoileanna ag an gCáisc, faoi réir na cáilíochta thíos.

Costais Ilghnéitheacha	Treoir
Teas / Solas	Bunaithe ar sciar réasúnta de bhíllí na bhfóntas ar feadh thréimhse na scrúduithe agus ar líon na seisiún scrúdaithe a reáchtáiltear sa scoil thar thréimhse saoire na Cásca.
Feighlíocht / Glantachán	Bunaithe ar na rátaí pá comhaontaithe sa scoil chun na Scrúduithe a reáchtáiltear thar thréimhse saoire na Cásca a chlúdach

vi) Iompar d'Iarrthóirí áirithe chuig na Scrúduithe a reáchtáiltear lasmuigh d'Am Scoile

Maidir le hiompar scoile, agus faoi théarmaí Scéim Iompair Scoile na Roinne Oideachais, is iondúil nach bhfeidhmíonn na seirbhísí iompair scoile d'iarrthóirí incháilithe ach amháin le linn na gnáth-scoilbhliana chun tinreamh na n-iarrthóirí a éascú le linn ghnáthuaireanta oscailte agus dúnta na scoileanna. Beidh Béaltrialacha na hArdteistiméireachta ar siúl thar thréimhse saoire na Cásca, tráth nach mbíonn an Scéim Iompair Scoile ag feidhmiú. Ós rud é nach mbeidh na himeachtaí seo ar siúl ach seal gairid, ní bheadh sé feiliúnach gnáthchóras iompair scoile a bheith i bhfeidhm. Iarrtar ar na scoileanna leas a bhaint as seirbhísí tacsáí sna cúinsí teoranta seo a leanas chun tinreamh na n-iarrthóirí a éascú. Ní mór don iarrthóir:

- a bheith incháilithe d'iompar scoile faoi théarmaí Scéim Iompair Scoile na Roinne, agus
- a bheith ag baint leasa as iompar scoile sa scoilbhliain reatha ach gan seirbhísí iompair scoile a bheith ar fáil dó/di le linn na tréimhse ó **Dé Sathairn, 1 Aibreán go dtí Déardaoin, 6 Aibreán 2023, an dá dháta sin san áireamh**, agus ag an iarrthóir sin le freastal ar imeacht scrúdaithe thar an tréimhse seo, rud ba chóir a chur san áireamh nuair a bhíonn na hiarrthóirí á sceidealú.

Aisíocfaidh CSS costais réasúnta ar sheirbhísí den sórt sin leis na scoileanna ach iad **admhálacha bailí** a chur ar fáil.

vii) **Obair Ullmhaithe/Measúnaithe tionscadal le haghaidh na Scrúduithe Stáit**

Múinteoirí a dhéanann obair ullmhaithe agus mheasúnaithe tionscadal le haghaidh na scrúduithe stáil sna scoileanna, nuair is cuí sin. Tugtar do bhuir n-aire nach féidir a éileamh ach íocaíocht amháin in aghaidh an iarrthóra i ngach ábhar.

Ba chóir do na scoileanna agus do na Boird Oideachais agus Oiliúna na socruithe cuí a dhéanamh leis na múinteoirí a íoc iad féin as an obair sin, agus is féidir an costas a éileamh ar ais mar chuid d'éileamh na scoile nó an Bhoird ar CSS.

Is sna hábhair a leanas amháin a cheadaítear an obair ullmhaithe agus is iad seo na rátaí atá i bhfeidhm.

Obair Ullmhaithe		An Ráta in aghaidh an iarrthóra
An tSraith Shóisearach	Teicneolaíocht Adhmaid	€ 5.51
An tSraith Shóisearach	Eacnamaíocht Bhaile Triail Phraiticiúil (Ard & Gnáth)	€ 5.51
An Ardteistiméireacht	Staidéar Foirgníochta (Ard & Gnáth)	€ 5.51
An Ardteistiméireacht	Innealtóireacht Triail Phraiticiúil (Ard & Gnáth)	€ 5.51
An Ardteistiméireacht	Ealaín Obair Chúrsa Coursework (Ard & Gnáth)	€ 5.51
An Ardteistiméireacht Fheidhmeach	Óstán Lónadóireacht & Turasóireacht	€ 5.51
An Ardteistiméireacht Fheidhmeach	Staidéar Grafaice & Tógála (Bliain 2)	€ 5.51
An Ardteistiméireacht Fheidhmeach	Teicneolaíocht Faisnéise & Chumarsáide (Bliain 2)	€ 5.51

Measúnú Tionscadal		An Ráta in aghaidh an iarrthóra
An Ardteistiméireacht	Staidéar Foirgníochta – Triail Phraiticiúil	€ 3.96

4. **Feidhmiú Cánach agus ÁSPC**

Na scoileanna agus na Boird Oideachais agus Oiliúna iad féin atá freagrach as cáin, ÁSPC agus MSU a riar i gcás na gceapachán thuas, agus aon airgead a asbhaintear i dtaca lena leithéid a íoc leis na Coimisinéirí Ioncaim. Téigh i dteagmháil le hoifig áitiúil na gCoimisinéirí Ioncaim nó féach ar shuíomh gréasáin na gCoimisinéirí Ioncaim ag www.revenue.ie le haghaidh tuilleadh eolais.

Cuir i bhfeidhm na haicmí ÁSPC iomchuí, le do thoil, mar atá treoraithe ag an Roinn Coimirce Sóisialaí.

Is gnách go gclúdaítear ceapachán pearsanra scoile le haghaidh na scrúduithe faoi ÁSPC Aicme J. Is é ráta ÁSCP an fhostóra faoin aicme seo ná 0.5%. Aisíocfaidh CSS ÁSPC an fhostóra ar an ráta iomchuí leis na scoileanna i dtaca le pearsanra a cheapann na scoileanna.

5. Conas Íocaíocht a Éileamh

Is gá do na scoileanna agus do na Boird Oideachais agus Oiliúna:

- íocaíocht a eagrú le pearsanra a cheapann na scoileanna le dul i mbun ról scrúduithe;
- taifid de na gníomhaíochtaí seo a choinneáil; agus
- admhálacha a bhailiú uathu siúd a íoctar le gur éasca éileamh ar íocaíocht a dhéanamh ar CSS in am trátha.

Ag deireadh thréimhse na scrúduithe, ba chóir do na scoileanna na costais a thabhaítear le haghaidh Scrúduithe 2023 a éileamh ar CSS, íocaíochtaí le Cúntóirí Scrúdaithe (nuair is cuí sin), leis na Feitheoirí uile a cheapann an scoil agus le Freastalaithe Scrúduithe, agus íocaíocht as obair ullmhaithe agus mheasúnaithe tionscadal, costais ilghnéitheacha agus costais iompair a bhaineann leis na Béaltrialacha ag an gCáisc san áireamh. Tá sonraí na bhfoirmeacha agus na n-admhálacha iomchuí, an mháistirfhoirm éilimh san áireamh, le fáil ag deireadh an chiorcláin seo, agus tá na foirmeacha sin ar fáil [anseo](#) ar shuíomh gréasáin CSS ag www.examinations.ie.

Ba chóir do na scoileanna na doiciméid ar fad a bhaineann le híocaíochtaí le pearsanra a cheapann an scoil le haghaidh scrúduithe 2023 a choinneáil le linn phróiseas na scrúduithe. Tá na héilimh ar fad le coinneáil agus le seoladh isteach le chéile in aon aighneacht amháin ag deireadh na ngníomhaíochtaí uile a bhaineann le scrúduithe 2023.

Ní mór gach éileamh ar aisíocaíocht **a dhéanamh ar na foirmeacha cuí atá ag CSS**. Ní mór an Fhoirm Achoimre ilchodach OS 2023 a chomhlánú agus a sheoladh leis na foirmeacha éilimh comhlánaithe uile chuig Rannóg an Airgeadais, Coimisiún na Scrúduithe Stáit, Corr na Madadh, Baile Átha Luain, Contae na hIarmhí.

I gcás scoileanna na mBord Oideachais agus Oiliúna, ní mór na héilimh uile ar íocaíocht a chur chuig Príomhfheidhmeannach an Bhoird ábhartha.

Beidh na foirmeacha éilimh ar fáil ó rannóg na Scoileanna de www.examinations.ie go luath.

Má bhaintear úsáid as foirmeacha éilimh nach foirmeacha éilimh CSS iad cuirfear an t-éileamh ar fad ar ais chuig an Scoil. Ní mór do Phríomhoide na scoile nó do Príomhfheidhmeannach an Bhoird Oideachais agus Oiliúna chuí, agus an té lena ndéantar an íocaíocht, na héilimh uile ar aisíocaíocht a shíniú de réir mar is cuí. Má chomhlánaítear éilimh go mícheart, go míchruinn agus/nó mura sínítear iad, cuirfear ar ais ina n-iomláine chuig an scoil nó chuig an mBord Oideachais agus Oiliúna iad.

Le Rannóg an Airgeadais is cóir fiosruithe faoin gclár seo a dhéanamh, ag na huimhreacha fóin 090 - 644 2880 / 2877 / 2821 nó sa ríomhphost chuig schoolspayable@examinations.ie

Siobhan Dalton
Ardoifigeach Feidhmiúcháin Gníomhach
Rannóg an Airgeadais
Feabhra 2023

Na foirmeacha a bheidh ar fáil ar www.examinations.ie faoi rannóg na Scoileanna.

- OS 2023 - Foirm Éilimh Achoimre do Scoileanna
- E.A.1. 2023 - Cúntóir Scrúdaithe 2023
- Foirm P1 2023 – Éileamh ar Aisíocaíocht Táillí a íoctar le haghaidh GCAT/Ríomheolaíocht/Ábhair ATF Liostaithe/Trialacha Cluastuisceana
- SP1 2023 – Éileamh ar Aisíocaíocht Táillí a íocadh le Feitheoirí a cheap an scoil áit a dtagann socrú réasúnta chun cinn
- Bileoga Ama do Fhreastalaithe Scrúdaithe
- Foirm éilimh le haghaidh Obair Ullmhaithe agus Mheasúnaithe Tionscadal

Aguisíní:

- Aguisín A: Rátaí Íocaíochta d’Fheitheoirí, Cúntóirí Scrúdaithe in 2023
- Aguisín B: Bileog Ama do Fhreastalaithe



Coimisiún na Scrúduithe Stáit
State Examinations Commission

Scrúduithe na hArdteistiméireachta agus na Sraithe Sóisearaí, 2023
Rátaí Íocaíochta do Chúntóirí Scrúdaithe agus d'Fheitheoirí a cheapann na Scoileanna
Obair Ullmhúcháin agus Measúnú Tionscadal

Cúntóir Scrúdaithe	€155.14	in aghaidh an lae
---------------------------	---------	-------------------

Feitheoirí		
Socrúithe Réasúnta (daoine nach Cúntóirí Riachtanas Speisialta iad)	€63.88	in aghaidh an tseisiúin
Socrúithe Réasúnta (daoine ar Cúntóirí Riachtanas Speisialta iad)	€48.75	in aghaidh an tseisiúin
Trialacha Praiticiúla	€127.77	in aghaidh an lae
Socrúithe Réasúnta GCAT/ Ríomheolaíocht (daoine nach Cúntóirí Riachtanas Speisialta iad)	€63.88	in aghaidh an tseisiúin
Socrúithe Réasúnta GCAT/ Ríomheolaíocht (daoine ar Cúntóirí Riachtanas Speisialta iad)	€48.75	in aghaidh an tseisiúin
Trialacha Cluastuisceana na hArdteistiméireachta / na Sraithe Sóisearaí	€63.88	in aghaidh an tseisiúin
An Ardteistiméireacht Fheidhmeach (Gaeilge Chumarsáideach & Teangacha (Bliain 1), Teicneolaíocht Faisnéise (Bliain 2))	€63.88	in aghaidh an tseisiúin

Obair Ullmhúcháin		An Ráta in aghaidh an iarrthóra
An tSraith Shóisearach	Teicneolaíocht Adhmaid	€ 5.51
An tSraith Shóisearach	Eacnamaíocht Bhaile Triail Phraiticiúil (Ard & Gnáth)	€ 5.51
An Ardteistiméireacht	Staidéar Foirgníochta (Ard & Gnáth)	€ 5.51
An Ardteistiméireacht	Innealtóireacht Triail Phraiticiúil (Ard & Gnáth)	€ 5.51
An Ardteistiméireacht	Ealaín Obair Chúrsa Coursework (Ard & Gnáth)	€ 5.51
An Ardteistiméireacht Fheidhmeach	Óstán Lónadóireacht & Turasóireacht	€ 5.51
An Ardteistiméireacht Fheidhmeach	Staidéar Grafaice & Tógála (Bliain 2)	€ 5.51
An Ardteistiméireacht Fheidhmeach	Teicneolaíocht Faisnéise & Chumarsáide (Bliain 2)	€ 5.51
Measúnú Tionscadal		An Ráta in aghaidh an iarrthóra
An Ardteistiméireacht	Staidéar Foirgníochta – Triail Phraiticiúil	€ 3.96

Aguisín B:



Coimisiún na Scrúduithe Stáit
State Examinations Commission

BILEOG AMA/ADMHÁLA AN FHREASTALAÍ - Faoi 18 mbliana d'aois

Tá an tábla thíos curtha ar fáil chun cuidiú leis an bPríomhoide an ráta cuí atá dlite do gach Freastalaí a ríomh. Líon isteach na boscaí cuí agus cuir ar ais an bhileog, le do thoil.

Uimhir Rolla na Scoile: _____ Líon na laethanta atá an t-ionad oscailte: _____

Príomh-Ionad: ✓ **Ionad Speisialta:** ✓ **Uimhir an Ionaid:** _____

Ainm an Fhreastalaí: _____

An Lá roimh na Scrúduithe – 06/06/2022			€23.73
Fad an tSeisiúin	Táille	Líon na Seisiún	Suim
Suas le 1 uair, 30 nóim.	€13.18		
2 uair, 00 nóim.	€17.14		
2 uair, 15 nóim.	€19.12		
2 uair, 20 nóim.	€19.78		
2 uair, 30 nóim.	€21.09		
2 uair, 45 nóim.	€23.07		
2 uair, 50 nóim.	€23.73		
3 uair, 00 nóim.	€25.05		
3 uair, 20 nóim.	€27.69		
3 uair, 30 nóim.	€29.00		
3 uair, 40 nóim.	€30.32		
IOMLÁN			

Admhaím go bhfuair mé suim € _____

Síniú an Fhreastalaí: _____ **Dáta:** _____

Síniú an Fheitheora: _____ **Dáta:** _____

Deimhním gur íoc mé € _____ san iomlán leis an bhFreastalaí thuas.

Síniú an Phríomhoide: _____ **Dáta:** _____



Coimisiún na Scrúduithe Stáit
State Examinations Commission

BILEOG AMA/ADMHÁLA AN FHREASTALAÍ – Os cionn 18 mbliana d’aois

Tá an tábla thíos curtha ar fáil chun cuidiú leis an bPríomhoide an ráta cúí atá dlite do gach Freastalaí a ríomh. Líon isteach na boscaí cúí agus cuir ar ais an bhileog, le do thoil.

Uimhir Rolla na Scoile: _____ **Líon na laethanta atá an t-ionad oscailte:** _____

Príomh-Ionad: ✓ **Ionad Speisialta:** ✓ **Uimhir an Ionaid:** _____

Ainm an Fhreastalaí: _____

An Lá roimh na Scrúduithe – 06/06/2022			€27.12
Fad an tSeisiúin	Táille	Líon na Seisiún	Suim
Suas le 1 uair, 30 nóim.	€15.07		
2 uair, 00 nóim.	€19.59		
2 uair, 15 nóim.	€21.85		
2 uair, 20 nóim.	€22.60		
2 uair, 30 nóim.	€24.11		
2 uair, 45 nóim.	€26.37		
2 uair, 50 nóim.	€27.12		
3 uair, 00 nóim.	€28.63		
3 uair, 20 nóim.	€31.64		
3 uair, 30 nóim.	€33.15		
3 uair, 40 nóim.	€34.65		
IOMLÁN			

Admhaím go bhfuair mé suim € _____

Síniú an Fhreastalaí: _____ **Dáta:** _____

Síniú an Fheitheora: _____ **Dáta:** _____

Deimhním gur íoc mé € _____ san iomlán leis an bhFreastalaí thuas.

Síniú an Phríomhoide: _____ **Dáta:** _____